

島雲水風濤浩浩男女舟中成老望仙源縹緲煙波杳杳肝腸  
斷何時到 堪嗟人迷顛倒謾區區空生煩惱不知自起妄塵  
遮礙先天眞寶頓悟家緣掉守清淨無爲功了得心清意靜性  
圓丹結餌仙芝草

瑞雲捧出三峯上眞下化宸遊地祥雲深鎖瓊樓寶殿琳宮幽  
邃萬頃嵐光裏依稀降玉泉蓮水望仙人掌上彎彎初月常晶  
瑩無瑕翳 碧嶂層層蒼翠亂峯巔猿叫鶴唳我來感歎塵中  
纏絆恩情名利滾滾甘隨逝波流轉幾人攀躋現停停雲漢安  
然不動作陰陽髓

如夢令

道藏輯要

水雲集

三

胃集五  
川二

鏡藥收來守拙不遇知音難說 古鑑要子磨點處便交光徹歡  
悅歡悅袞出一輪明月

又

竹笠竹冠竹挽與我日常爲伴坐臥去來空便是清涼彼岸風  
漢風漢日月輪催不管

又

只把靈臺頻掃惜取自家眞寶火裏長蓮花便是修行玄奧頓  
倒顛倒境滅心忘了

又

一片靈空爲伴因把慾情割斷日上鍊虛無常住神堂古觀風

漢風漢此外別無手段

又

隨分養營皮袋坐臥去來明快境上樂閑遊些子無生聖碍忍耐忍耐占得逍遙自在

又

物外遨遊落魄步步清涼雲腳閑裏弄虛空別有蓬萊期約這着這着細細人情除削

又

大道無名無說休恁謾生分別火滅與煙消便是良辰佳節宜拙宜拙認取春花秋月

道藏輯要

水雲集

五

胃集五  
川二上

又

大道根元歸素絕盡人情思慮火滅與煙消認取元陽收固此做此做便是長生捷路

又

因遇重陽師父引入全真門戶慧火鍊靈空不敢胡行一步一步一步一步近如一步

又

清靜無爲做徹高下休生分別滅盡我人心自有真師提挈提挈提挈雲綻家家明月

又

口用滌除塵垢擒縛馬猿不走展手向街前守一不生貪構貪  
構貪構怎得功成行就

又

不染俗情非是不慢下貧趨貴不敢受人欵自在逍遙雲水雲  
水雲水守一無為徹底

又

休訝弟兄不喘只要人情踈遠不敢受人欵不喜輕肥杯襍舒  
展舒展鍛鍊丹砂九轉

又

落魄無拘野叟自在逍遙閑走他日返家山重會雲朋霞友知

道藏輯要

水雲集

三

胃集五  
川上

友知友共飲蟠桃仙酒

又

日用靈光內鎖保護真心不破金玉得凝澄生死無由近我功  
果功果歸去獨攜雲朶

寄濬川道友王四郎

傳語濬州道友休戀隨情花柳最好逐譚風保護形軀不朽不  
朽不朽共飲長生仙酒

贈王三校尉宅三姑姑

欲做俗中修鍊先滅我人分辯柔弱守清貧堅志始終無變真  
善真善損己利他方便